



Broj: JN-OP- 117-26/2024

Datum: 07-10-2024

Na osnovu člana 100. stav (4) Zakona o javnim nabavkama ("Službeni glasnik BiH", br. 39/14, 59/22 i 50/24) i člana 57. stav (1) tačka b) Pravilnika o javnim nabavkama „Elektroprenos-Elektroprijenos BiH“ a.d. Banja Luka, postupajući po žalbi ponuđača DALEKOVOD d.o.o. Mostar broj: II-1261/24 od 27.09.2024. godine, koja je kod Ugovornog organa zaprimljena pod brojem protokola: JN-OP-117-24/2024 od 30.09.2024. godine, na Odluku o izboru najpovoljnijeg ponuđača broj: JN-OP-117-16/2024 od 17.9.2024. godine, u postupku javne nabavke broj: JN-OP- 117/2024 – Nabavka i isporuka dva energetska transformatora 110/x kV, 20 MVA u TS 110/x kV Željuša, „Elektroprenos-Elektroprijenos BiH“ a.d. Banja Luka, kao Ugovorni organ donosi:

## **ODLUKA**

### **I**

Žalba se usvaja u cijelosti.

### **II**

Stavljaju se van snage Odluka o izboru najpovoljnijeg ponuđača broj: JN-OP-117-16/2024 od 17.09.2024. godine i Zapisnik o pregledu i ocjeni ponuda broj: JN-OP-117-15/2024 od 23.08.2024. godine.

### **III**

Za najpovoljnijeg ponuđača u otvorenom postupku javne nabavke JN-OP-117/2024 – Nabavka i isporuka dva energetska transformatora 110/x kV, 20 MVA u TS 110/x kV Željuša, odabire se ponuđač DALEKOVOD d.o.o. Mostar sa ponudom broj II-1031/24 (koja je kod Ugovornog organa zaprimljena pod brojem protokola: JN-OP-117-12/2024 dana 07.08.2024. godine), sa ukupno ponuđenom cijenom od 2.999.756,00 KM bez PDV-a (3.509.714,52 KM sa PDV-om).

### **IV**

Ova Odluka stupa na snagu danom donošenja.



## OBRAZLOŽENJE

U postupku javne nabavke koji provodi "Elektroprenos – Elektroprijenos BiH" a.d. Banja Luka kao ugovorni organ, broj: JN-OP- 117/2024– Nabavka i isporuka dva energetska transformatora 110/x kV, 20 MVA u TS 110/x kV Željuša, za koju je objavljeno obavještenje o nabavci/ispravka obavještenja o nabavci i datum objave na Portalu javnih nabavki BiH: 1280-1-1-78-3-184/24 od 06.06.2024. godine/1280-1-1-78-8-186/24 od 06.06.2024.godine, broj i datum "Službenog glasnika BiH" u kojem je objavljeno obavještenje o nabavci i ispravka: 41/24 od 14.06.2024. godine, ponuđač DALEKOVOD d.o.o. Mostar (u daljem tekstu: Žalilac), zastupan po direktoru Anti Landeki, izjavio je žalbu dana 27.09.2024. godine, koja je kod ugovornog organa zaprimljena pod brojem protokola: JN-OP-117-24/2024 dana 30.09.2024. godine, na Odluku o izboru najpovoljnijeg ponuđača broj: JN-OP-117-16/2024 od 17.9.2024. godine.

Postupajući po žalbi, Ugovorni organ je utvrdio da je ista blagovremena, dopuštena, uredna, izjavljena od ovlaštenog lica i lica koje ima aktivnu legitimaciju. Ugovorni organ je nakon toga cijenio osnovanost žalbe u meritumu te utvrdio da je ista u cijelosti osnovana.

Žalilac u žalbi navodi :

### „Navod 1:

*U tenderskoj dokumentaciji (nadalje: TD) broj JN-OP-117/2024: „Nabavka i isporuka dva energetska transformatora 110/x kV, 20 MVA u TS 110/x kV Željuša“, pod točkom **PRILOG 8.1 – TEHNIČKA SPECIFIKACIJA ZA ENERGETSKI TRANSFORMATOR** (str. 66/88 TD) je zahtijevano da gubici Primar-Sekundar Pk (P-S) pri 20 MVA budu manji od 120 kW. Odabrani ponuđač je transformator čiji gubici na Primar-Sekundar Pk (P-S) pri 20 MVA nisu manji od 120 kW, te nije ispunio zahtijevanu tehničku karakteristiku TD-a slijedom čega je ponuda odabranog ponuditelja trebala biti odbačena.*

*Dokaz: uvid u ponudu odabranog ponuditelja, stranica 88.*

### Navod 2:

*U tenderskoj dokumentaciji (nadalje: TD) broj JN-OP-117/2024: „Nabavka i isporuka dva energetska transformatora 110/x kV, 20 MVA u TS 110/x kV Željuša“, pod točkom **PRILOG 8.1 – TEHNIČKA SPECIFIKACIJA ZA ENERGETSKI TRANSFORMATOR** (str. 67/88 TD) je zahtijevano da provodni izolatori na izlazu iz primara (VN izolatori) trebaju imati i gornji i donji dio od porculana.*

*Nadalje na stranici TD 55/88 je pod točkom 2.1.3. traženo da se, između ostalog“ dostavi kataloška dokumentacija opreme na transformatoru, dijelova transformatora i materijala koji će biti korišteni u izradi transformatora, sa jasno naznačenim tipom koji se planira ugraditi a najmanje za sljedeće:*

- a) vakuumaska regulaciona sklopka za rad pod opterećenjem,*
- a) motorni pogon regulacione sklopke,*
- b) VN, SN i NN provodni izolatori,*
- c) bakarni vodiči za izradu namotaja,*



- d) magnetni lim,
- e) pokazivači nivoa ulja (transformatora i regulacione sklopke),
- f) sušionik sa silikagelom (za transformator i regulacionu sklopku),
- g) zaštitni releji (Buchholz relej transformatora i zaštitni relej regulacione sklopke),
- h) radijatori,
- i) ventilatori,
- j) termo slika,
- k) kontakti termometar,
- l) obuhvatni strujni mjerni transformator za jedan VN namotaj,
- m) sigurnosni ventil nadpritiska (transformatora i regulacione sklopke),
- n) transformatorsko ulje,
- o) zračni jastuk u konzervatoru

U priloženoj kataložskoj dokumentaciji moraju jasno biti naznačene ponuđene stavke, sa svim detaljima kako bi se u istima mogle potvrditi karakteristike ponuđene stavke.

Iz navedenog je vidljivo da je za VN provodne izolatore bilo potrebno dostaviti kataložku dokumentaciju sa svim detaljima kako bi se u istima mogle potvrditi karakteristike ponuđene stavke.

Odabrani ponuđač je za VN provodni izolator ponudio tip PNO 550.123.1000 proizvođača GE te je na stranicama ponude 225-228 dostavio kataložku dokumentaciju iz koje nije vidljivo da ponuđeni VN provodni izolator ima donji i gornji dio od porculana te nije moguće utvrditi potvrditi da karakteristike ponuđene stavke zadovoljavaju zahtijevane karakteristike iz **PRILOG 8.1 – TEHNIČKA SPECIFIKACIJA ZA ENERGETSKI TRANSFORMATOR** slijedom čega je ponuda odabranog ponuditelja trebala biti odbačena.

Dokaz: Uvid u ponudu odabranog ponuditelja

### Navod 3:

U tenderskoj dokumentaciji broj JN-OP-117/2024: „Nabavka i isporuka dva energetska transformatora 110/x kV, 20 MVA u TS 110/x kV Željuša“, pod točkom **PRILOG 8.3 – KATALOŠKA DOKUMENTACIJA** (str. 73/88 TD) je zahtijevano da se upiše ponuđeni tip opreme, dijelova i materijala koji će biti korišteni u izradi transformatora.

Nadalje na stranici TD 55/88 je pod točkom 2.1.3. traženo da se, između ostalog „dostavi kataložka dokumentacija opreme na transformatoru, dijelova transformatora i materijala koji će biti korišteni u izradi transformatora, sa jasno naznačenim tipom koji se planira ugraditi a najmanje za sljedeće:

- a) vakuumaska regulaciona sklopka za rad pod opterećenjem,
- a) motorni pogon regulacione sklopke,
- b) VN, SN i NN provodni izolatori,
- c) bakarni vodiči za izradu namotaja,
- d) magnetni lim,



- e) pokazivači nivoa ulja (transformatora i regulacione sklopke),
- f) sušionik sa silikagelom (za transformator i regulacionu sklopku),
- g) zaštitni releji (Buchholz relej transformatora i zaštitni relej regulacione sklopke),
- h) radijatori,
- i) ventilatori,
- j) termo slika,
- k) kontakti termometar,
- l) obuhvatni strujni mjerni transformator za jedan VN namotaj,
- m) sigurnosni ventil nadpritiska (transformatora i regulacione sklopke),
- n) transformatorsko ulje,
- o) zračni jastuk u konzervatoru

*U priloženoj katalogskoj dokumentaciji moraju jasno biti naznačene ponuđene stavke, sa svim detaljima kako bi se u istima mogle potvrditi karakteristike ponuđene stavke.*

*Odabrani ponuđač je za radijator ponudio tip „standardan tip“ proizvođača TTP te je za isto dostavio dvostruku dokumentaciju, jednu na stranicama 292-301 a drugu na stranicama 350-352. Na predmetnim stranicama nije moguće odrediti točan tip koji je ponuđen. U TD je navedeno da se ne prilažu uopćeni katalogi u kojima nije jednoznačno navedeno koje parametre ima ponuđena stavka.*

*Slijedom navedenog ponuda odabranog ponuditelja je trebala biti odbačena.“*

Ocijenom žalbenih navoda utvrđeno je kako su isti osnovani, te je ponuda ponuđača MALCom d.o.o. Sarajevo ocijenjena kao nepravilna, jer nije u skladu sa tenderskom dokumentacijom, a shodno tome i odbačena sukladno članku 68. st.4. točka i).

Stoga je primjenom čl.100 st.4. ZJN, ugovorni organ utvrdio da je žalba osnovana, stavio van snage Odluka o izboru najpovoljnijeg ponuđača broj: JN-OP-117-16/2024 od 17.9.2024. godine, te je zamijenio ovom odlukom, a također je van snage stavio i Zapisnik o pregledu i ocjeni ponuda broj JN-OP-117-15/2024 od 23.08.2024. godine, na temelju kojeg je i donesena Odluka o izboru koja se stavlja van snage.

Ugovorni organ je izvršio ponovni pregled i ocjenu ponuda, sačinio novi Zapisnik o pregledu i ocjeni ponuda broj JN-OP-117-25/2024 od 03.10.2024. god., na temelju kojeg je donesena ova Odluka i koji je sastavni dio ove Odluke.

Predmetnim Zapisnikom o pregledu i ocjeni ponuda, koji čini sastavni dio ove Odluke, konstatirano je da su zaprimljene dvije ponude, od kojih je ponuda MALCom d.o.o. Sarajevo ocijenjena kao nepravilna i odbačena je sukladno članku 68. st.4. točka i), dok je druga ponuda ponuđača DALEKOVOD d.o.o. Mostar iz točke III. dispozitiva ove odluke ocijenjena kao prihvatljiva, što je detaljnije obrazloženo Zapisnikom o pregledu i ocjeni ponuda.

Uzimajući u obzir sve naprijed navedeno, odlučeno je kao u dispozitivu ove Odluke.

“Elektroprenos Bosne i Hercegovine” a.d. Banja Luka IB: 402369530009

78000 Banja Luka, Marije Bursać 7a,  
Tel. +387 51 246 500, Fax: +387 51 246 550

Operativna područja:  
Banja Luka, Sarajevo, Mostar i Tuzla

MB: 11001416  
BR: 08-50.3.-01-4/06

Ministarstvo pravde BiH  
Sarajevo

Korisničke banke i brojevi računa

Nova Banka a.d.	5550070151342858
UniCredit Bank a.d. B. Luka	5510010003400849
Raiffeisen Bank	1610450028020039
Atos Bank a.d. Banja Luka	5672411000000702
NLB Banka	1320102011989379

## POUKA O PRAVNOM LIJEKU

Protiv ove Odluke može se izjaviti žalba Kancelariji za razmatranje žalbi putem Ugovornog organa, najkasnije u roku od 10 (deset) dana od dana prijema ove Odluke, na adresu "Elektroprenos – Elektroprijenos BiH" a.d. Banja Luka, ul. Marije Bursać 7a, 78 000 Banja Luka.

Prilog: Zapisnik o pregledu i ocjeni ponuda broj JN-OP-117-25/2024 od 03.10.2024. god.

Dostaviti:

- ponuđačima,
- Direkciji 03,
- Evidenciji.



Generalni direktor

Mato Žarić, dipl. ing. el

"Elektroprenos Bosne i Hercegovine" a.d. Banja Luka IB: 402369530009

78000 Banja Luka, Marije Bursać 7a,  
Tel. +387 51 246 500, Fax: +387 51 246 550

Operativna područja:  
Banja Luka, Sarajevo, Mostar i Tuzla

MB: 11001416

BR: 08-50.3.-01-4/06

Ministarstvo pravde BiH  
Sarajevo

Korisničke banke i brojevi računa

Nova Banka a.d.	5550070151342858
UniCredit Bank a.d. B. Luka	5510010003400849
Raiffeisen Bank	1610450028020039
Atos Bank a.d. Banja Luka	5672411000000702
NLB Banka	1320102011989379